

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1479

27.10.2014թվ.

ՀՀ Ոստիկանության պետ,  
գեներալ-լեյտենանտ  
պարոն՝ Վ. Գասպարյանին

Հարգելի պարոն Գասպարյան.



Սույն թվականի հոկտեմբեր ամսին Դիտորդական խումբը այցելություն կատարելով ՀՀ ոստիկանության Տավուշի ՄՎ Տավուշի ՁՊՎ արձանագրել է մի շարք թերություններ և խախտումներ:

Թերություններ՝

1. Բուժսենյակում մահճակալը ամրացված չէր հատակին:
2. Սանհանգույցը գտնվում էր կեղտոտ վիճակում և օդափոխության կարիք էր զգացվում:
3. ՁՊՎ-ի բոլոր սենյակները գտնվում էին փոշոտ վիճակում:

Խախտում՝

Նարեկ Վարդանի Մառյանը և Դավիթ Հրանտի Հովհաննիսյանը ըստ «ՀՀ ՁՊՎ-ում պահվող անձանց հաշվառման» գրանցամատյանի ՁՊՎ են ընդունվել 12.08.2014թ-ին ժամը 20:00-ին և 13.08.2014թ-ին ժամը 15:00-ին տեղափոխվել են ՀՀ ոստիկանության Տավուշի ՄՎ Իջևանի ՁՊՎ: Նշված անձիք առանց բավարար հիմքերի են ընդունվել ՁՊՎ, քանի որ Դիտորդական խմբին որպես ՁՊՎ ընդունելու հիմք ներկայացրեցին Տավուշի մարզի դատախազ Ս. Սարգսյանի կողմից ներկայացված գրությունը, որտեղ նշվում է, որ «12.08.2014թ-ին ժամը 16:00-ին ՀՀ ԱՆ «Աբովյան» ՔԿՀ-ից տեղափոխել ՀՀ ոստիկանության Տավուշի բաժնի ՁՊՎ, նրանց կալանքի ժամկետը երկարացնելու միջնորդությունը քննարկելու նպատակով», որը չի կարող հիմք հանդիսանալ տվյալ անձանց ՁՊՎ ընդունելու: Ավելացնենք, որ նույն դատախազի կողմից, նույն






ձևի գրություն տրվել էր նաև Իջևանի բաժնին: Միաժամանակ նշենք, որ Ն. Մաղյանը և Դ. Հովհաննիսյանը առանց հիմքի և անհասկանալի պատճառներով ՀՀ ոստիկանության Տավուշի ՄՎ Տավուշի ՁՊՎ-ից տեղափոխվել են ոչ թե ՀՀ ԱՆ <<Արուվյան>> ՔԿՀ, այլ ՀՀ ոստիկանության Տավուշի ՄՎ Իջևանի ՁՊՎ: /կից ներկայացվում է փաստը հաստատող լուսանկարներ – 1,2,3,4,5/

Այսպիսով՝ խնդրում ենք ուսումնասիրել փաստերը և տալ մեկնաբանություն ներկայացվածի վերաբերյալ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Մահակյան





## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N- 2/2-1-3089

« 26 » 11 2014թ.

Ձեռ 27.10.2014թ. թիվ 2621/1479 գր.

### ՀՀ ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ

տիկին Հ. Սահակյանին

#### Հարգելի տիկին Սահակյան

Հայտնվում է, որ դիտորդների խմբի կողմից 2014թ. հոկտեմբեր ամսին ՀՀ ոստիկանության Տավուշի մարզային վարչության Տավուշի բաժնի ձերբակալվածներին պահելու վայր կատարած այցելության ընթացքում արձանագրված թերությունները և խախտումն ուսումնասիրվել են ՀՀ ոստիկանության շտաբում և Տավուշի մարզային վարչությունում:

ՀՀ ոստիկանության Տավուշի մարզային վարչության կողմից տրամադրված տեղեկատվության համաձայն ներկայացվում են ներքոշարադրյալ մեկնաբանությունները:

1-ին, 2-րդ և 3-րդ կետերում նշված թերությունները վերացվել են:

4. Ն.Մադյանի և Դ.Հովհաննիսյանի կալանավորման ժամկետը երկարացնելու հարցը Տավուշի մարզի ընդհանուր իրավասության առաջին ատյանի դատարանի Տավուշի նստավայրում 12.08.2014թ. ժամը 16.00-ին քննության առնելու համար Տավուշի մարզի դատախազի կողմից գրություն է տրվել ոստիկանության Տավուշի մարզային վարչության և Տավուշի բաժնի պետերին: Նշված գրության հիման վրա ՀՀ ոստիկանության քննչական գլխավոր վարչության Տավուշի մարզի քննչական բաժնի Տավուշի քննչական բաժանմունքի ավագ քննիչ Ա.Մայիլյանի կողմից 11.08.2014թ. որոշում է կայացվել Ն.Մադյանին և Դ.Հովհաննիսյանին 12.08.2014թ. «Աբովյան» ԲԿ-ից տեղափոխել ոստիկանության Տավուշի բաժնի կամ Իջևանի բաժնի ՁՊՎ՝ դատական նիստին վերջիններիս մասնակցությունը ապահովելու համար: Հաշվի առնելով, որ Իջևան-Բերդ ավտոմայրուղին մշտապես գտնվում է Ադրբեջանի զինված խմբավորումների կողմից արձակած կրակահերթերի տակ և վերջիններիս անվտանգ տեղափոխումն ապահովելու նպատակով՝ Տավուշի մարզի դատախազի կողմից տրված գրությունում և քննիչ Ա.Մայիլյանի որոշման մեջ նշվել են ոստիկանության Իջևանի ու Տավուշի բաժինների ՁՊՎ-ները: Նշված հանգամանքը հաշվի առնելով՝ Ն.Մադյանը և Դ.Հովհաննիսյանը դատական նիստի ավարտից հետո իրենց անձնական գործերով ոստիկանության Տավուշի բաժնի ՁՊՎ-ից տեղափոխվել են Իջևանի բաժնի ՁՊՎ, որպեսզի հնարավոր լինի առանց բարդությունների վերջիններիս տեղափոխել ՀՀ ԱՆ «Աբովյան» ԲԿ: Քննիչ Ա.Մայիլյանի կողմից կայացված որոշումը անձնական գործերի հետ փոխանցվել է ոստիկանության Իջևանի բաժին, այդ իսկ պատճառով նշված որոշումը հնարավոր չի եղել տրամադրել դիտորդների խմբին:

ՀՀ ոստիկանության շտաբ